



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 110. Oratio Papæ a Bessarione Cardinali excepta

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

ditionem laudabili prodigalitate offerere-
 bat, simulque palam profitebatur, nihil
 eorum, quæ sibi præstanda indicaverint,
 se recusaturum, nihilque aliud a Princi-
 pibus in præsentiarum exacturum, quam
 ut firmum, immotumque tuendæ religio-
 nis studium, ac fidei ab omni periculo
 præservandæ voluntatem ostendant.
 Præterea pollicebatur, se postea de me-
 diis necessariis prospecturum, acturum-
 que de pecuniis conquirendis, de Ducibus
 eligendis, de classibus instruendis, ac de tem-
 pore expeditionis, additque: *Nec difficilis
 erit hæc consultatio, quando nec arma, nec
 equi, nec naves, nec pecuniæ, nec fortissimi
 milites, nec peritissimi Duces Christianis de-
 sunt: dicebat tamen, timere se, ne since-
 ra desit voluntas. Tanta animi atten-
 tione quisque differentem percepit Pon-
 tificem, ut nec verbum quidem hujus
 Orationis congregatorum aures effugeret.*

Sæcul. XV.
 A.C. 1459.

Labbe Collect
 Conc tom. 13
 p. 1751.
 Æn. Sylv.
 epist. 397.

§. CX.

*Oratio Paxæ a Bessarione Cardinali
 excepta.*

Cum sermonem absolvisset Papa, Bes-
 sarion Cardinalis nomine S. Collegii
 peroravit, ac haud pauciora, quam ipse
 Pontifex, verba fecit, prolixius demon-
 strans, quantam passi jacturam Christiani
 essent occupata Constantinopoli, quæve
 certo

Sæcul. XV.
A.C. 1459.

certo instarent mala, nisi Turcarum conatibus obviam iretur. His addit, victoriam facili negotio esse reportandam, totumque arduitatis cardinem in conciliandis omnium animis versari; tandem cuncta a Pontifice allata a Sacro Cardinalium Collegio rata haberi professus est. Oratione finita, quid decernendum esset, deliberatur, omnesque ceteri concordibus votis in sententiam Pontificis iverunt. Præ reliquis Mediolanensium Dux militari vere eloquentia se suaque omnia in obsequium fidei obtulit. Criminabantur vero Cæsarem Hungariæ Oratores, quod illis Turcarum bello oppressis & ipse molestias adderet; His autem respondit Pontifex, non eum locum esse, quo jurgia movere conveniret; se vero vel maxime intentum fore pollicitus est, ut pax ad utriusque partis vota redderetur. His ita peractis, omnes demum unitis animis bellum esse gerendum decernebant.

§. CXI.

Bellum adversus Turcas decretum.

Cum de modo hoc bellum gerendi consultatio fieret, plurimum animis ea insedit opinio, terra marique rem esse agendam: proin quadraginta triremes & octo grandiores naves instruendas; terra vero saltem quinquaginta millia armato-